

# NEWSPAPER CLIPPING

Newspaper : SINAR HARIAN

Date : 17 Mei 2018

Title : Latar agih 7,000 pek kurma

Section : Page :

TELUS & TULLUS  
**Sinar**  
ONLINE

Nasional Politik Edisi ▾ Semasa ▾ Bisnes Video ▾ Global H

## Latar agih 7,000 pek kurma

ARZIANA AZAMAN

16 MEI 2018



Ahmad Fuad

KUALA SELANGOR – Lebuhraya Kuala Lumpur - Kuala Selangor (Latar) akan mengedarkan 7,000 pek kurma sempena bulan Ramadan kepada pengguna lebuh raya itu bermula esok.

Ketua Pegawai Operasi Lebuhraya Latar, Ahmad Fuad Ahmad Shahimi berkata, inisiatif itu sebagai simbolik pihak Latar bersama pengguna meraikan kedatangan bulan yang mulia ini.

“Pek kurma itu akan diagihkan kepada pengguna Lebuhraya Latar yang melalui Plaza Tol Ijok, Kuang Barat, Kuang Timur, Kundang Barat, Kundang Timur dan Taman Rimba Templer bermula jam 4.30 petang.

“Program pemberian kurma kepada pengguna Lebuhraya Latar adalah program tahunan khas sempena menyambut bulan Ramadan selain menjadi tanda penghargaan dan khidmat masyarakat,” katanya.

Ahmad Fuad berkata, pemberian pek kurma ini memudahkan pengguna yang terpaksa berbuka puasa ketika masih dalam perjalanan ke destinasi masing-masing.

“Di kesempatan ini, kami ingin mengucapkan selamat menyambut bulan Ramadan al-Mubarak dan selamat menjalani ibadah puasa kepada semua muslimin dan muslimat terutamanya kepada pengguna Latar,” katanya.